

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i Programa utroška sredstava u Ministarstvu za rad, socijalnu politiku i izbjeglice za 2020. godinu, broj: 02-11-1601/20 od 30.01.2020. godine, broj: 02-11-6331/20 od 08.05.2020. godine i broj: 02-11-10814/20 od 26.06.2020. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 72. sjednici, održanoj dana 01.09.2020. godine, d o n o s i

ODLUKU

o odobavanju sredstava za sufinansiranje infrastrukturnih projekata obnove na područja Zeničko-dobojskog kantona sa ciljem potpore održivog povratka

Član 1.

(Predmet)

(1) Odobravaju se sredstva u iznosu od 250.000,00 KM (slovima:dvijestotinepedesethiljada konvertibilnih maraka) kao učešće Zeničko-dobojskog kantona u sufinansiranju realizacije infrastrukturnih projekata obnove na području Zeničko-dobojskog kantona sa ciljem potpore održivog povratka.

(2) Sredstva iz stava (1) ovog člana odobravaju se gradu/općinama u iznosima kako slijedi:

- a) Općini Olovo iznos od 25.000,00 KM za projekat „Sanacija lokalnog puta u povratničkom naselju Kruševo“;
- b) Općini Vareš iznos od 20.000,00 KM za projekat „Rekonstrukcija puta Stupni Do-Lipa“;
- c) Gradu Visoko iznos od 50.000,00 KM za projekat „Sanacija i asfaltiranje dionice lokalnog puta Kula Banjer“;
- d) Općini Kakanj iznos od 20.000,00 KM za projekat „Rekonstrukcija parohijskog doma u Kaknju“;
- e) Općini Žepče iznos od 20.000,00 KM za projekat „Izgradnja novog objekta osnovne škole Žepče“;
- f) Općini Zavidovići ukupan iznos od iznos od 60.000,00 KM za projekte: „Izgradnja vodovoda Rasječenica Brezik“ u iznosu od 50.000,00 KM i „Izgradnja javne rasvjete u mjestu Dolac“ u iznosu od 10.000,00 KM;
- g) Općina Maglaj ukupan iznos od 20.000,00 KM za projekte: „Izgradnja javne led rasvjete Kosova-Poljci i Kosova Brdo 1 MZ Kosova“ u iznosu od 10.000,00 KM i „Izgradnja društvenog doma u MZ Kopice“ u iznosu od 10.000,00 KM;
- h) Općini Tešanj iznos od 25.000,00 KM za projekat „Asfaltiranje lokalnog puta Trepče-Šije“;
- i) Općini Usora iznos od 10.000,00 KM za projekat „Rekonstrukcija i asfaltiranje postojećeg makadamskog puta u povratničkom naselju Bejići“.

Član 2.

(Analitička konta)

Sredstva za realizaciju infrastrukturnih projekata obnove sa područja Zeničko-dobojskog kantona iz člana 1. ove odluke isplatit će se iz Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 7/20), sa razdjela 20-Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 821500, subanalitika KAD 202, pozicija Budžeta: „Sredstva za podsticaj povratka izbjeglih i raseljenih lica“ na način definisan Sporazumom o udruživanju sredstava za realizaciju infrastrukturnih projekata obnove na području Zeničko-dobojskog kantona.

Član 3.

(Uplata sredstava)

(1) Doznaka odobrenih finansijskih sredstava vršit će se na račun izvođača radova, odabranih nakon provođenja procedure odabira izvođača radova u skladu sa Zakonom o javnim nabavkama Bosne i Hercegovine („Službeni glasnik BiH“ broj: 39/14), koju će provoditi Federalno ministarstvo raseljenih osoba i izbjeglica, kao nosilac projekata.

(2) Ugovori o izvođenju radova na projektima iz člana 1. stav (2) ove odluke potpisat će se između sufinansijera na realizaciji ovih projekata: Federalnog ministarstva raseljenih osoba i izbjeglica kao nosioca projekata, Ministarstva za rad, socijalnu politiku i izbjeglice Zeničko-dobojskog kantona sa odabranim izvođačima radova.

Član 4.

(Izveštavanje)

Federalno ministarstvo raseljenih osoba i izbjeglica, kao nosilac projekata, će koordinirati sa Ministarstvom za rad, socijalnu politiku i izbjeglice Zeničko-dobojskog kantona sa ciljem praćenja i izvještavanja o stepenu implementacije projekata.

Član 5.

(Ovlaštenje i provođenje Odluke)

(1) Ovlašćuje se Premijer Zeničko-dobojskog kantona da u ime Vlade Zeničko-dobojskog kantona potpiše Sporazum o udruživanju sredstava za realizaciju infrastrukturnih projekata obnove na području Zeničko-dobojskog kantona.

(2) Za realizaciju ove odluke zadužuju se Ministarstvo za rad, socijalnu politiku i izbjeglice i Ministarstvo finansija svako u okviru svojih nadležnosti.

Član 6.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona”.

PREMIJER

Mirza Ganić

Broj: 02-11-14671/20

Datum, 01.09.2020. godine

Zenica

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x Federalno ministarstvo raseljenih osoba i izbjeglica, putem Ministarstva,

1x Općine Olovo, Vareš, Kakanj, Žepče, Zavidovići, Maglaj, Tešanj,

Usora i Grad Visoko, putem Ministarstva,

1x “Službene novine Zeničko-dobojskog kantona”,

1x a/a.